

# Esse

Sta manu sempre tesa,  
Chì cundanna l'offesa  
Quand'inghjustizia pesa.

Esse

Sta spalla chì succore,  
U pesu di u dolore,  
Quandu fughje l'amore.

Esse

Pè quellu chì palesa,  
A lampanella accesa,  
Sopra l'usciu, appesa.

Esse

Stu calore umanu,  
Chì suprana l'affannu,  
Quand'omu hè luntanu.

Esse

Un'alba senza danni,  
Per oghje è per dumane,  
Chì annega malani.

Esse

Per un'ultima volta  
Quella voce rivolta,  
Chì chjama à l'accolta

Esse